

## A **Kontroversia riba pordon. Marko 2:1-12.**

- ❖ Ora ku Hesus a regresá na Pedro su kas na Kapernaum, hopi hende a bini pa skuch'É (Marko 2:1-2) Hesus Su spich a wòrdu interumpí, dor di un hòmber paralisá i a kibra habri un buraku pa bah'é abou, i tur hende a keda ketu, sperando pa mira kiko Hesus lo hasi (Marko 2:3-4).
- ❖ Hesus a kura e rais di su malesa (Marko 2:5). Pordon ku a duna pas na su alma.
- ❖ Pa e eskribanan, esaki tabata blasfemia (bèrdat, si Hesus no tabata Dios). Pa demostrá ku E tabatin e poder pa pordona, Hesus a kura e paralítiko (Marko 2:8-11).
- ❖ E hendenan a alabá Dios pa a duna Hesus e poder pa pordoná pikánan (Marko 2:12; Mat. 9:8). E paralítiko a kana; pero e eskribanan a wòrdu lagá siegu, ínkapas pa mira ku Hesus lo por lesa nan mente, pordoná e pekadador, i dun'é saniamentu.

## B **Kontroversia di kuminda. Marko 2:13-22.**

- ❖ Hesus a kome den e kas di e publikano Levi, i rondoná Su mes ku hopi manera djé (Mark 2:13-15). E kritikadónan no a malgastá e oportunitat (Marko 2:16).
- ❖ Hesus a kontradisí nan lógikamente: unda mihó ku akinan lo Mi haña pekadornan pa salba? (Marko 2:17). Adishonalmente, El a reta nan pa eksaminá nan propio sintimentunan. Nan mester a siña pa stima (Mt. 9:12-13).
- ❖ Leu for di siña pa stima, e Fariseonan a stimulá Juan su disipelnan pa uni ku nan kítika (Marko 2:18).
- ❖ Hesus Su kontesta a bini den forma di parábolanan:
  - E parabola di e kasamentu (Marko 2:19-20). Kon un hende por yuna mientras e ta na un kasamentu? E brùidehom ta Hesus; e huéspednan e disipelnan. Ora ku Hesus a muri i a wòrdu resusitá, e ora ei Su disipelnan lo tin mester di yuna.
  - E parabola di e nobo i e bieu (Marko 2:21-22). E siñansanan bibu di Hesus no tabatin ningun lugá den e siñansanan morto di tradishon; i vise versa.

## C **Kontroversia riba e Sabat. Marko 2:23-3:6.**

- ❖ Dor di tuma e grano i kita esaki su kaska pa kom'é, e disipelnan a ehekutá tres trabou prohibí riba e Sabat: kosechá ; bati; i bencha. (Mk. 2:23-24; Mt. 12:1-2).
  - Hesus Su kontesta: Boso no ta kòrda ku David, ora ku é tabatin hamber, a kome e pan konsagrá, loke solamente e saserdotenan lo por kome? (Marko 2:25-26).
- ❖ Mas despues, Hesus a ehekutá un “obra” ku no tabata inkluí entre e 39, pero kua tabata konsiderá tambe un transgreshon di e Sabat: kuramentu (Marko 3:1-3).
  - Hesus Su kontesta: “ Kual ta legal riba e Sabat: pa hasi bon òf pa hasi malu, pa salba un bida òf pa mata?” (Marko 3:4).
- ❖ Últimamente, Hesus ta Señor di e Sabat, i El a duna esaki na nos pa nos bon (Marko 2:27-28).
- ❖ Kuriosamente, e wardadónan zeloso di e Sabat a traha un kòmplot pa un matamentu (Marko 3:6).

## D **Preguntanan kontroversial tokante di Hesus:**

### ❖ **Ku ki poder E ta hasi milagernan? Marko 3:22-30.**

- Marko ta kuminsá un historia tokante di Hesus Su famia, pero ta interumpí esaki pa nara un kontroversia ku e Fariseonan. Mas despues, é lo bolbe bèk na e promé historia. E patronchi aki ta wòrdu huzá dor di Marko na varios okashonnan pa uni dos historia similar, dunando énfasis na esun sentral komo esun di mas importante.
  - (1) Marko 3:20-21. Hesus Su famia ta busk'Ele.
  - (2) Marko 3:22-30. Akusashon di Fariseonan.
  - (3) Mark 3:31-35. Hesus Su famia ta busk'Ele.
- Den e kaso aki, e historia importante ta e eskribanan su akusashon ku na ki poder tabata ku a permití Hesus pa saka demoñonan (Marko 3:22).
- Atrobe, Hesus ta huza un parabola pa demostrá e absurdes di e akusashonnan kontra di djÉ (Marko 3:23-27). Hesus ta dreña e kas di e hòmber fuerte (Satanás), mar'é, i asina lo por plùnder su propiedat (libra esun poseí pa demoño).
- Tambe e ta tuma e oportunitat pa spierta(avisá) di e peliger di ta atribuí e trabou di e Spiritu Santu na e diabel (Marko 3:28-30).
- ❖ **Hesus ta loko? Marko 3:20-21, 31-35.**
  - Kiko a pone(hasi) Hesus Su famia pensa ku El a bira loko (Marko 3:20-21)?
  - Despues di un paréntesis breve, Marko ta kontinuá ku e historia, introduciendo e famianan kende tabata buska Hesus: Su mama i Su rumannan hòmber (Marko 3:31).
  - Ki un falta di konsiderashon pa Su famia di parti di Hesus! (Mark 3:32-33). Pero aparensianan ta engañoso. Su mama i rumannan hòmber tabata robes. Lagando Su trabou pa atendé ku nan na e momentu ei tabata dañoso(perhudisial) na Su mishon i na nan mes.
  - Mas importante ku enlasenan karnal ta e enlasenan ku ta uni Hesus ku Su famia spiritual (Marko 3:35).